


Praktične informacije

Odjeljenje za podršku svjedocima će Vas najvjerojatnije kontaktirati po prijemu poziva za svjedočenje, ali i Vi to možete učiniti u svakom momentu, naročito ako:

- Imate posebne poteškoće;
- Imate specifične zdravstvene probleme;
- Imate opravdan razlog kojim se dokumentuje zašto ne možete da se odazovete na poziv Suda;
- Ne znate kako da dođete do Suda;
- Ne znate šta Vas očekuje na Sudu;
- Ako se brinete za svoju sigurnost i/ili sigurnost svoje porodice;
- Ako svjedočenje za Vas predstavlja posebno stresnu situaciju sa kojom ne znate kako da izađete na kraj.

U otklanjanju ovih i drugih sličnih problema Odjeljenje za podršku svjedocima će Vam pomoći, bez obzira na to da li Vas poziva Tužilaštvo, Odbrana ili Sudsko Vijeće.



Kako doći do Osnovnog suda Brčko distrikta BiH?



Empowered lives.
Resilient nations.

INFORMATIVNI
LETAK ZA
SVJEDOKE



Osnovni sud Brčko distrikta BiH

Ulica Trg Pravde 10

76100 Brčko

Bosna i Hercegovina

Tel: + 387 49 216 499

Mob: + 387 66 744057

Fax: + 387 49 216 194

Email: ops.osbd@osbd.ba

Web: <http://ossud-brckodistriktbih.pravosudje.ba>

Odjeljenje
za podršku
svjedocima

Osnovni sud
Brčko distrikta BiH

O Osnovnom sudu

Osnovni sud Brčko distrikta BiH mjesno je nadležan za teritoriju opštine Brčko dok je stvarno nadležan za sve prvostepene sporove kao sud opšte – univerzalne nadležnosti. Nadležnost, unutrašnje uređenje i rad Osnovnog suda regulisani su Statutom Brčko distrikta BiH, Zakonom o sudovima Brčko distrikta BiH te Pravilnikom o unutrašnjem sudskom poslovanju.

Poslove iz djelokruga rada organizacione jedinice sudijskih poslova obavljaju:

- a) krivično odjeljenje
- b) građansko odjeljenje (parnično i vanparnično odjeljenje)
- c) prekršajno odjeljenje.

U okviru svoje krivične nadležnosti Osnovni sud Brčko distrikta BiH postupa u svim predmetima, izuzev za krivična djela koja su u nadležnosti Suda BiH, te u predmetima za krivična djela koja je Sud BiH prenio u nadležnost Osnovnog suda.

Podrška svjedocima

Svjedočenje pred Sudom, pogotovo kada se radi o teškim i traumatičnim događajima, je posebno iskustvo koje sa sobom može nositi fizička i emotivna osjećanja, ometenost, stres, tugu i ankcioznost. Stoga, da bi se moguće teškoće uzrokovane svjedočenjem svele na minimum, pri Osnovnom sudu Brčko distrikta BiH postoji Odjeljenje za podršku svjedocima.

Službenik iz Odjeljenja za podršku svjedocima je tu da bi odgovorio na pitanja, upoznao svjedoke o njihovim pravima, dao objašnjenja u vezi sa radom Suda ili fazi postupka te pružio psihološku, emotivnu ili administrativnu podršku i pomoć.

Zadatak ovog Odjeljenja je da Vam, uz najviši stepen povjerljivosti i nepristrasnosti, pomogne da kroz cijeli sudski postupak prođete što je lakše moguće (prije, za vrijeme i nakon svjedočenja), a da iskustvo davanja iskaza i kontakt sa Sudom budu događaji koji će Vas ojačati i obogatiti.

Na dan svjedočenja

Prije dolaska na Sud, službenik za podršku svjedocima će Vas, po potrebi, kontaktirati putem telefona, uraditi procjenu potreba i objasniti Vam kako da dođete do zgrade Suda. Ukoliko imate specifične potrebe molim Vas da nas o istim obavijestite kada Vas budemo kontaktirali

Na sam dan svjedočenja po dolasku na Sud, službenik Odjeljenja će Vas dočekati ispred zgrade i otpratiti do prostorija koje su isključivo namijenjene za svjedoke, gdje se možete osvježiti i pripremiti za svjedočenje. Tokom Vašeg boravka na Sudu, osoblje za podršku svjedocima će Vas pratiti sve dok ne završite sa svjedočenjem.

Važnost svjedočenja

Ukoliko ste dobili poziv da date iskaz, to znači da je Vaše svjedočenje od izuzetne važnosti za uspješnost sudskog postupka. Učešće svjedoka u sudskom postupku presudno je za tok i ishod postupka jer Vaše svjedočenje omogućava sudijama da rasvijetle događaje i donesu pravičnu presudu. Svojim svjedočenjem Vi dajete ključan doprinos cjelokupnom sudskom postupku i ponovnom uspostavljanju pravde.